



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Dr. Dennis Gratz

Zastupnik u Predstavničkom domu Parlamenta Federacije Bosne i Hercegovine

Broj: 107/16
Sarajevo, 14.09.2016.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 14-09-2016			
Org. jed.	Broj	Priloga	Vrijednost
01,02	- 02 -	1772	116

Dostaviti:
Bosna i Hercegovina
Federacija Bosna i Hercegovina
Parlament Federacije BiH

PREDSTAVNIČKI DOM
n/r Edin Mušić, predsjedavajući

DOM NARODA
n/r Lidija Bradara, predsjedavajuća

PREDMET: Prijedlog zakona o izmjenama i dopunama Zakona o naplati i djelimičnom otpisu dugovanja sportskim kolektivima

Poštovani,

Na osnovu člana 179. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, broj 69/07 i 2/08), kojim pravo predlaganja zakona ima svaki ovlašćeni predlagač zakona iz člana 163. ovog Poslovnika, dostavljam Vam **Prijedlog zakona o izmjenama i dopunama Zakona o naplati i djelimičnom otpisu dugovanja sportskim kolektivima.**

Prijedlog sa obrazloženjem na bosanskom jeziku i elektronsku verziju istog, možete naći u prilogu.

S poštovanjem,

Dennis Gratz
Zastupnik u Predstavničkom domu Parlamenta Federacije BiH
Naša stranka

DENNIS GRATZ

ZASTUPNIK U ZASTUPNIČKOM DOMU PARLAMENTA FEDERACIJE BOSNE I HERCEGOVINE

NAŠA STRANKA

PRIJEDLOG

**PRIJEDLOG ZAKONA O IZMJENAMA I DOPUNAMA ZAKONA O
NAPLATI I DJELIMIČNOM OTPISU DUGOVANJA SPORTSKIM
KOLEKTIVIMA**

Sarajevo, septembar 2016. godine

Na osnovu člana 179., a u vezi sa članom 163. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, broj 69/07 i 2/08), dostavljam vam sljedeće:

PRIJEDLOG ZAKONA O IZMJENAMA I DOPUNAMA ZAKONA O NAPLATI I DJELIMIČNOM OTPISU DUGOVANJA SPORTSKIM KOLEKTIVIMA

Član 1.

U Zakonu o naplati i djelimičnom otpisu dugovanja sportskim kolektivima („Službene novine FBiH“, broj 37/14) mijenja se član 4. i glasi:

„Zahtjev za zaključivanje sporazuma podnosi se nadležnom kantonalnom poreznom uredu do 31.12.2020. godine.

Zahtjev iz stava 1. ovog člana obavezno sadrži rok na koji se zaključuje sporazum sa nadležnim kantonalnim poreznim uredom.“

Član 2.

Ovaj zakon stupa na snagu osmog dana od dana objavljivanja u „Službenim novinama Federacije Bosne i Hercegovine“.

PREDSJEDAVAJUĆI DOMA NARODA
PARLAMENTA FEDERACIJE BOSNE I
HERCEGOVINE

PREDSJEDAVAJUĆI PREDSTAVNIČKOG DOMA
PARLAMENTA FEDERACIJE BOSNE I
HERCEGOVINE

PRIJEDLOG ZAKONA O IZMJENAMA I DOPUNAMA ZAKONA O NAPLATI I DJELIMIČNOM OTPISU DUGOVANJA SPORTSKIM KOLEKTIVIMA

I – USTAVNI OSNOV

Ustavni osnov za donošenje ovog Zakona je sadržan u Poglavlju IV A. 5. 20. (1) d) kojim je propisano da je Parlament Federacije Bosne i Hercegovine nadležan za donošenje zakona o vršenju funkcija federalne vlasti.

II – RAZLOZI ZA DONOŠENJE OVOG ZAKONA

Razlog za donošenje Zakona o izmjenama i dopunama Zakona o naplati i djelimičnom otpisu dugovanja sportskim kolektivima jeste da u praksi nisu stvorene adekvatne okolnosti u smislu osiguranja sredstava za reprogramiranje dugova sportskih klubova u Federaciji Bosne i Hercegovine.

Potrebno je postaviti ostvariv rok koji je u interesu i sporta, ali i šire društvene zajednice, te na taj način pružiti šansu našim klubovima u svim sportovima da u periodu do 2020. izvrše adekvatnu reformu i reviziju svog poslovanja.

Važno je identifikovati glavni dug, te usaglasiti ga između Porezne uprave i poreznog obveznika, te samo tako ovaj zakon može biti adekvatno proveden, uz minimalnu štetu za sport, omladinske škole, ali i osiguranje opstanka kolektiva koji daju veliki doprinos zajednici.

Predloženom izmjenom zakona, Poreska uprava FBiH će moći ostvariti više prihoda s obzirom da će i preostali sportski kolektivi imati priliku da reprogramiraju i izmire svoje dugovanja i tako direktno doprinesu budžetu FBiH u višemilionskom iznosu. S druge strane, građani će na raspolaganju imati stabilnije sportske kolektive kao korisnici njihovih usluga ili zaposlenici koji trenutno ne mogu da ostvare pravo na zdravstvenu zaštitu ili penziju.

III – OBRAZLOŽENJE PREDLOŽENIH ODREDBI OVOG ZAKONA


Član 1. – Riječ je o izmjeni člana 4. Zakona o naplati i djelimičnom otpisu dugovanja sportskim kolektivima u stavu (1) kojim se raniji rok od 60 dana od dana stupanja na snagu zakona produžava na rok do 31.12.2020. godine.

Član 2. – Riječ je o članu kojim se utvrđuje da ovaj zakon stupa na snagu osmog dana od dana objavljivanja u „Službenim novinama Federacije Bosne i Hercegovine“.

IV – FINANSIJSKA SREDSTVA

Za provođenje ovog zakona u Budžetu Federacije Bosne i Hercegovine nije potrebno obezbijediti dodatna finansijska sredstva.

S poštovanjem,


Dennis Gratz

Zastupnik u Predstavničkom domu Parlamenta Federacije Bosne i Hercegovine
Naša stranka

DOSTAVLJENO:

- Naslovu
- Vladi Federacije BiH
- Parlamentu FBiH – Predstavnički dom i Dom naroda Parlamenta FBiH
- Evidencija